

CHRISTO DUCE;
Auctoritate atq; Suffragio
MAGNIFICI ET NOBILISSIMI ICTORUM ORDINIS
in illustri ac celeberrima
ACADEMIA JENENSI,
PRÆSIDE
VIRO


Nobilissimo, Consultissimo atque Excellentissimo
DN. ADRIANO BEIERO,

J. U. D. celeberrimo,
*Dn. Patrono, Fautore atque Præceptore suo, omni honoris cultu
aternum colendo, devenerando,*

EXERCITATIONEM
JURIDICAM

De

CRIMINE FALSI.



In Acroaterio Themidi sacro

ad d. 19. Aprilis,

*Publico Eruditorum examini, illustri Salana
valedicturus, sistit*

JOHANNES FRIDERICUS Rüssfede/
Sicâ Hoyensis.

JENÆ,
Typis JOHANNIS VVERTHERI,
Anno clc lbc LXV.

Advertisement and Catalogue

of the
New and Improved
Machinery and
Tools

DR. ADRIANO BEIRO.

REPRODUCTION

LIBRARY

CRIMINE FALSI

JOHN HENRY MURDOCH

THE
NEW YORK

JOHANNES JACOBUS AVIANUS,

J. U. D. & in Academia Salana P. P.

Eximia eruditionis juveni, politissimo & doctissimo

DN. JOHANNI FRIDERICO Nussledi,

utrique juri deditissimo, Lüneburgico &c.


S. P. D.

DUm ex nostris Athenis ad discessū te paras, doctissime Nussledi, scias velim, te sic discedere, ut cum apud me, qui non sine magno dolore suavissimā tuā præsentiā carebo; tū omnes tibi amicos enixum tui desiderii relinquas, efficiasq; ut nihil gravius quā tuā absentia ferant. Præterquam enim, quod ob sinceram mentem tuam omnes tibi devinctos habes; ea & vitæ innocentia cum morum elegantia conjuncta & doctrinæ præstantia in te emicant, ut hac de causa apud neminem non sis gratiosissimus. Nam utut, fatali quodam hujus seculi malo, ex odiola, &, nescio qua perversissima consuetudine, vel corruptela potius, cum bonis moribus ἀσπονδον πόλεμον quendam suscipiant haud pauci; & præterea magna pars hominum, illotis, quod dicitur, manibus in juris civilis studium irrumpere soleant; Tu tamen necessariis præfidiis instructus & ab omnibus illecebris, quibus alii districti tenentur, alienissimus, non modò optimis quibusque institutis & exemplis animum tuum scitè imbuisti, sed etiam tum in omnium rerū scientiam, tum nostram præcipuè jurisprudentiam, propemodum abdidisse te vidēre. Qua in re ut laude dignissimum te præstas, ita in foro, quod sequi in animo tibi esse cognovi, uberrimos, cum Deo, & amplissimos inde fructus certò certius percipies. Eo-

A

rum


rum enim numero contineris, qui, supervacaneis & inanibus
positis, rerum momenta in deliciis habent, & quævis in
succum & sanguinem cōvertere & ad usum transferre amāt;
idque quā manifestissimè, arbitror, testatum facis, cū pro
ea, quam comparāsti tibi haud levent, juris notitiā, Deo ju-
vante & Duce celeberrimo D. Beiero (viro & in docendo
jure exercitatissimo, & de hujate Academia Themidosque sc-
ctatoribus, propter germanum paternumq; candorem juxta
& extremam diligentiam, optimè merito, non minus quā
commendatissimo) dissertationem usui hodierno simul ac-
commodatam, DE FALSI CRIMINE, purè, insigniter & affabrè
per textā confectamq; masculè is defensum; inq; eo argumē-
to, ad Pictoris Apellis exemplum, non tuo solum judicio fi-
dis, sed & alieno, quod disputatione sagax exploras, haud
parum tribuis. Optimè factum! Planè non minor laus tibi
debetur, quòd studiis tuis felicissimis colophonem impositu-
rus illud maximæ celebritatis LYCEUM JULIUM adire, sum-
misq; ejus luminibus, Hahniis, Eicheliis & Conringiis &c.
operam dare laboras. Pluribus te jam non obtundo, sed
quod reliquum est, de egregio hoc tuo specimine publico,
laudabilis proposito, & tibi ex animo gratulor & ut omnia
sempiternæ gloriæ sint, exopto. Dcus vota tibi tua fortun-
ner, neque a maiorum ullo te impugnari unquam sinat! De
me sic habe; omni industria, cura, opera me provisorum, ne
vel latum unguem de solito, h. e., intensissimo in te amore
decessisse judicari possim. Vale, amice dilectissime, meq; ab-
sens perpetuò & constanti favore tuò complectere. Dab.
raptim Jenæ d. 14. Aprilis 1665.



J. J.

CAPUT I.

Continet denominationem, definitionem, divisionem cum exegeſi & tranſitionem.



Assum à fallendo dictum; dum homines ea, quæ vel per naturam similia sunt, vel ubi ars imitatur naturam, invicem confundunt, atque incautis aliud pro alio, exemplar pro imagine, malò animò obtrudunt, qui rerum similitudine decepti, oblatum pro desiderato accipiunt & sic falluntur. Sumpta itaque appellatio, à parte delinquentis; à causa finali & intentione: à parte decepti verò ab effectu, prout participium *Falsus* aliquando passivè sumitur pro decepto, aliquando neutraliter pro statu, sive pro ipso falsario, qui falsatus quasi sit, versicolor & ad fallendum aptus, sicut merces dicimus falsas, verarum speciem mentientes. Sed nomini inhaerere non erit necesse. Rem ipsam potius aggredimur, proposituri primùm definitionem, divisionem causas & effectum; ubi occasione iudicii de falsis, ageretur de modo coercendi & puniendi; denique contraria, & quibus modis tollitur hoc crimen, videbimus.

Azo ad Rubricam C. h. s. Falsum definit, quòd sit mutatio veri fraudulenter facta; sed nescio an vera hæc sit definitio; nam ipsa veritas nunquam, res verò non semper mutantur, sed quandoque occultantur, supprimuntur &

alia similes pro illis, incautis contrahentibus obtruduntur, qui rerum convenientiâ sive similitudine decipiuntur: Unde ejusmodi merces falsæ dicuntur mentiri speciem illarum pro quibus venditantur. Rectius igitur, meo quidem judiciô, DEFINITUR, dolosa veritatis imitatio vel occultatio, aliûs fallendi causâ facta; vel paulò prolixius; quòd sit factum dolosum circa personas vel res, imitatione vel suppressione veritatis in alterius fraudem commissum, Lege publicâ prohibitum. vid. *Magnif. Dn. Struv. Syntag. jur. civil. Exerc. 49. th. 69.*

FACTUM DOLOSUM diximus, ad declarandam ejus materiam & formam; & Factû quidem, non *Actum*. Licet enim aliud agens aliud simulans dolû committat, non confestim tamen & falsum. Dolus enim non omnis Falsum est; distant quippe ut genus & species: Omnium delictorum generica forma & natura communis dolus est. Præterea Falsum non est simplex actus in gestibus consistens, cæterum nihil post se relinquens quod in sensûs incurrat; sed factum, quod ex vi vocis effectum externum inducit; *conf. ex parte l. 19. de V. S.* Denotant itaque duo hæc vocabula materiam & formam; sive genus & differentiam. FACTUM, genus est; DOLUS, forma; non specifica, sed generica: separat quidem factum hoc à factis licitis, sed quale delicti genus sit, non indigitat, necesse tamen est dolum adfuisse. Sicut enim aliâs voluntas & propositum delinquentis, maleficia distinguunt, ut docet *Aristot. 5. Ethic. 8. & Paulus in l. 3. pr. ff. de Furt.* sic quoque non aliter in crimen & coercitiônem falsum incidit, quàm si dolo admittatur *l. 20. C. h. n. tit.* Unde qui falsum dicit quod verum putat, falso non est obnoxius, cum non tam fallat quàm fallatur ipse, *c. homines & seq. XXII. q. 2.*

IN PERSONIS AC REBUS latet objectum hujus criminis, sive potius delinquentium; qui modò alias personas, ut in partu

partu supposito; modò alias res pro veris ac desideratis obtrudunt: sive imitantur personas, gerendo se pro aliis: sive imitantur res alias, ac pro illis quod sua creatura est, offerunt, ut in falsa pecunia accidit. Cui non derogat, quòd qui pecuniam iusti ponderis radunt, falsi quoque rei fiant, nec mutant tamen, imitentur aut supprimant verum. Nam utique mutant, ex ponderosa levem efficiendo & pro iusti ponderis nihilominus expendere satagendo.

Finis innuitur, dum dicimus ALTERIUS FRAUDANDI. Istum enim effectum oportet habere delicta, ut quis lædatur: cœtero quin absque eo si sit, nemo conqueretur, minus erit qui judicare aut condemnare velit: juxta illud Germanicum, *wo kein Kläger ist / da ist auch kein Richter*. Ut enim in genere morum turpe sit, animo ita perverso esse, ut aliorum fallendorum causâ vel res mutemus vel imitemur; quia tamen prudentia judiciaria & iustitia correctiva pro objecto habent actûs foras prodeuntes & actu lædentes, adeoque emendatione quadam indigentes, sequitur, ut ubi tale quid non contigerit, iustitia quoque hæc officium suum perdat. Nec credat tamen quis, quasi licitum ejusmodi actum aut ab omni iustitia neglectum statuamus; legislatoria quippe prudentia, cui domestica & privata disciplina curæ est, jam tum per scholas eique præfectos magistros civium cordibus virtutes jubet inculcandas, licet non quamlibet deviationem à vero judicialiter puniat. Dum alterius fallendi causâ commissum esse falsum requirimus, separamus illud à falso illo absoluto sive dialectico, quod in simplici deviatione à vero consistit, ubicunque conceptus cum re non coincidit. Denique verbis finalibus causam efficientem inclusimus: nam ut aliquid delictum sit, *Lex* efficit, nec in ullius privati hominis potestate est, improbare actûs civiles; quemadmodum nec pecuniam: Solus Legislator de actibus ci-

A 3

vium

viuū iudicat, in ejus arbitrio positum est, quos tolerare malit, quos reprobare ac vetare; prohibitio ejus dat normam dignoscendorum actuum, ut malus dicatur ille, quē lex talem dicit: quam in rem non malē crimina ex legibus esse, Justinianus ait, *pr. 3. de susp. tutor.* Scilicet non per productionem, sed per revelationem & condemnationem. Nam sicubi lex aliquod factum non vetaret, justum utiq; esset. Ita quippe se res habet in legibus civilibus, quōd versentur circa indifferentia, quæ nec ante prohibitionem sunt mala, nec ante præceptum in se immutabiliter bona; sed quod bona sint, ex præcepto est; quod mala sint, ex prohibitionē. Unde Paulus Apostolus, jurium non malē gnarus, alicubi ait: concupiscentiam nesciebam esse peccatum, nisi lex dixisset: Non concupisces! *add. Magn. Dn. Struv. Exerc. 1. th. 54. ss.*

DIVIDITUR hoc delictum in VERE tale, propriē sive specialiter ita dictum, quod specialiter & expressis verbis legis Corneliæ prohibetur, per tradita *Vvesenb. n. 1. & 12. ff. h. t. & QUASI FALSUM*, quod ex SCto aut interpretatione JCtorū pro falso habetur, *Vves. d. l. ex Marciano in l. 1. §. f. Paulo in l. 14. §. 1. Modestino in l. 27. pr. ff. h. t.* Ubi tamen hoc monendum credimus, voculam *quasi* non denotare hoc loco improprietatem ac delictum culpōsum, qualia in *Tit. 3. de Obl. quæ ex quas. del. nasc.* habentur, neque ad eō ipsū delictum ejusque formam pertinere; sed potius, ut opinamur, ad actionem, seu judicium pro eo competens, denotareque actionem utilem. Ita enim quæ ex mente legis Aquiliæ & JCtorum interpretatione competit actio, dicitur utilis, delictum autem ipsum æque propriē vocatur Damnum. Ita Imper. furtum conceptum, oblatum prohibitum, non exhibitum, non tam ipsius furti, quàm actionum pro eo competentium diversitatem indigitare, docet in §. 2. *3. de obl. ex delict.*

Consi.

Considerabimur autem hoc delictum. ut constituendum
2. ut vindicandum: illud sit per causas: hoc per iudicium.
Causæ sunt vel internæ, materia & forma: vel externæ, Ef-
ficiens & finis. Materia duplex est, vel ex qua, vel circa
quam. De illa jam supra diximus, quod *facta* sint, nec
adeò prolixiores de iis nunc erimus. Hæc verò Objectum
dicitur, quod duplex deprehendimus: generale, actus sc.
& negotia in quibus fallere alios solent versuti hujus cri-
minis fabricatores: & speciale, idipsum sc. quod imitari,
occultare aut suppressere & supponere solent, personas
nempe sive homines, & res. *vid. Treutl. vol. 2. D. 33. th. 8. a.*
& *ibi Bachov.* Negotia sunt vel vulgaria & extrajudi-
cialia, vel judicialia. Illa vel viventium, v. g. contractus,
vel moribundorum, sive ultimæ voluntates.

CAP. II.

De contractibus, quomodo & in quibus falsum admittitur.

Quod CONTRACTUS attinet, sunt illi in se conventiones
usu & humanis necessitatibus exigentibus inventæ &
introducæ, quibus ut plurimum res invicem permutan-
tur: & quia contractus in facto consistunt, iis probandis
instrumenta adhiberi solent. Circa utrumque verò pluri-
mæ perpetrantur falsitates: Quoniam enim indigentia hu-
mana exinde, quod non omnis ferat omnia tellus, oriatur,
atque adeò pro superfluis necessaria sint permutanda, nec
quilibet tamen quodlibet quod alter desiderat, habere so-
leat, communi votò medium quoddam, quod omnibus
rebus æstimandis aptum, omnibus etiam præsto esse pos-
sit, desideratum fuit, ac tandem *nummus* inventus, qui
quantitas quædam in metallis, publica auctoritate signatis,
certoque valore æstimatis consistens, dici potest; circa
quem

quem pariter innumeræ falsitates committuntur. Quin & res nummo permutandæ, non usque quaque vitium hoc evitare potuerunt, sed quum non paucæ, nummo quoad quantitatem affines, numero consent, pondere & mensurâ, malitiam falsariorum frequentissimè experiuntur. Imò nec corpora privilegio quodam eximi queunt, sed vel color vel sapor, vel quælibet affectio eorum imitando & mentiendo temeratur. De singulis eo ordine agemus, ut primò contractus ipsos videamus, post eorundem per instrumenta probationem. In contractibus occurrit eorum objectum, tam res ipsæ scilicet permutandæ, quàm nummus cum quo permutantur. In re notandum corpus & ejus affectiones: ac denique forma ac certum cujuslibet individuum cum differentia sua specifica, ne aliud pro aliò obtrudatur. Videamus primùm DE CORPORIBUS eorumque affectionibus. Siquidis mercibus infunditur aliquid liquidum, quod colorem, odorem, saporem, aut vires, vel imitatur, vel non evidenter alterat, falsum committitur, v. g. quando cerevisiæ coctores herbam quandam, quam Post alicubi dicunt, lupulo admiscunt, colorem & vires inebriandi addituri, adeoque quod ex hordeo, lupulo & sufficienti coctione defraudârunt, ejusmodi herbâ supplere satagunt, fucum facturi convivis, istas cerevisiæ virtutes ex debitis requisitis adhibitis enatas esse; quorum malitia providam magistratuum curam, seriâ prohibitionem, condignamque poenam meretur. Quemadmodum ante hoc ipsum decennium 1655. d. 27. April. in comitiis provincialibus Schlesvico - Holstæicis articulus XIII. ad deliberandum propositus satis innuit, quâ sollicitudine Principes huic malo remedium alloborauerint: verba prepositionis circiter hæc fuere.

So beweihret auch die augenscheinliche evidentz, daß obwohl durch Gottes Gnade und milden Seegen, das Korn

Korn und Geträyde nicht so hohen Valor wie vorhin / sondern mehr als über den halben Theil geringer und wolfeiler eingekauft wird / dennoch nichts desto weniger die Brauer und Becker das Bier und Brod bald eben so theuer / wie vorhin / verkauffen und ausbringen / und noch dazu bey den Brauern von Geizhalsen an stat des Hopfens / ein Gewächs / Post genand / und andere schadhafte Sachen / dem Bier damit eine Farbe zu geben / eingesmāget / darüber aber an vielen Orten kein Einsehen gehalten wird ; Darumb soll eine jede Obrigkeit und Bürgermeister und Rath in den Städten / bey vorsteiffberührter commination / darüber eyfrig seyn / daß selbiges hochschädliches Werck unvorlängig abgeschaffet / bey dem verkauff des Biers / und Brods einen jeden respectivē maß Biers und stücken Brods eine proportion / nach dem verkauff unnachlässig zu Obierviren und zu beobachten / und die darüber handelnde mit ebenmäßiger Strafe an Ehre und Redligkeit und würcklicher hohen Geld = Busse zu belegen. *add. Boxhurn. Instit. polit. L. 1. c. 10. §. 12.*

Insuper & siccis mercibus, v. g. aromatibus, qui vel recentibus insipida ejusdem generis, vel peregrinas & vilissimas res v. g. muscerdam, simulas, imò tegulas contusas & contritas, modò colorem mentiantur, dolosè adjungunt, falsum committunt: quales quid evenire qui forsā persuaderi non vult, aut à nobis confingi credit, adeat haud gravatim *Magn. Dn. Carpzov. pr. Cr. q. 93. n. 89.* ubi & *num. preced.* crocum alios in loco humido detinere scribit: quā occasione in mentem venit, solere & linteones pannos noviter confectos, ut accepto lini neti ponderi respondeant, humectare. Circa gemmas & pretiosos lapillos, quos potissimum colore distinguimus, facillimè fallimur; Sunt qui margaritas & corallia fictitia fabrefacere & divendere solent: & commemorat *Dn. D. Joh. Michaelis, Prof. Med. Publ. celebratissimus, in collegio suo super Pharmacopœiam Medico - Chymicam Johannis Schröteri, Med. Doctoris,*

Amstelodami Mercatorem quendam lapides Bezoardicos conficere solitum fuisse adulterinos, cujus fraus tandem detecta, & cum capite jam plectendus esset, bis mille imperialibus vitam redemit, hac tamen simul concomitante infamiâ, ut paribulo alligatus, lapidibus Bezoardicis adulterinis circumcirca appensis, cuilibet prostitueretur. *add. Dn. Carpzov. pr. crim. q. 93. n. 91.*

Ea quæ pondere, numero & mensura mediântibus in commercium veniunt, falsitatibus hominum exposita sunt, dum alii falsa pondera mensurasve conficiunt, alii verò iisdem utuntur, dum, quæ emunt, omnia majori pondere & modiô recipere satagunt, minori verò pondere vel modiô quæcunque venalia habent, expendant, *vid. P. 3. O. art. 113. jus Saxon. Landr. L. 2. a. 13.* quod pistorum & molitorum quorundam exemplis demonstrari possit. Sic in Romano imperio salubriter provisum, ut aurifabri ex auro & argento justæ puritatis certique ponderis vasa conflare debeant, in singulas videlicet marcas argenti puti septē uncias *vid. R. A. Aug. de anno 1548. tit. 35. & 1577. T. 36.* Falsum ergò committunt, qui argentum temperatione ignobilius efficiunt, quatuor aut quinque tantum unciarum, idque per Romanum imperium pro puro & justo distribuunt. Secus si extra Rom. Imper. ubi pauciorum unciarum argentum receptum est; v. g. in Moscovia, prout sequens Jctorum Helmst. responsum declarat:

Auf vorhergeschriebene Facti speciem, und die daraus gezogene Frage erkennen wir Decanus, Senior und andere Doctores der Juristen Facultät bey der fürstl. Julius Universität zu Helmstädt / nach fleißiger Verlesß: und Erwiegung tür Recht; obgleich das Silber vermög der Reichs Abschiede zu 14. Loht / und in der Keyserl. Freyen Reichs und ansee Stadt Bremen, nach deren statuto zu 12½ Loht zu verarbeiten / der Goldschmied aber dieel. Marc zu 10½ Loht sein verfers

verfertigt / und die Arbeit weder auf die Probe oder
Schaue geliefert und probirt / weder sein eigen noch der
Stadt / worunter er seshafftig ist / wapen darauf geschlas-
gen ; Dafern jedoch der Kauffmann mit ihm die Abrede
genommen / daß die Arbeit nicht an einem Orte des Röm-
ischen Reichs / sondern ausser demselben nach der Mos-
schaw solte gesand werden / die also verfertigte Becher
auch warhafftig dahin transportirt / und das Silber als
dar in eben dem Gehalt bräuchlich / keine verita merx ist /
und von andern Orten in der qualität dahin gesand wird /
Er / der Kauffmann auch das Gelöte zu 10 $\frac{1}{2}$ Loht darauff
stechen und bey dem Goldschmiede darumb machen lassen /
damit Er demselben auf sein Ansuchen einen Verdienst
gönnen möchte ; so ist der Kaufman solches propter liberta-
tem commerciorum zu thun wohl befugt gewesen / und wann
er in Mangel andern Beweises solches eydlich erhalten
wird / ee vom Prætoro rerum criminalium mit einiger Gelds
Buße nicht zu belegen / von Rechtswegen ; Unkründlich
wir dieses mit unser Facultät Insiegel betrucken lassen / so
geschehen Helmstedt den 19. Augusti Anno 1663. cum quo re-
sponso convenit illud quod ad eandē facti speciem à No-
bilissimā Facultate juridica hic Jenæ d. 8. 7tembr. ejusdem
anni datum est.

Omnis generis panni certō ulnarum numerō, & quo-
ad longitudinem & quoad latitudinem, constirere quon-
dam, quo de nullus modernorum mercatorum præstare
poterit evictionem; & nihilominus tamen, ut pristinam
mentiantur latitudinem, in complicandis iisdem ita aptè
partem alteram alterā latiore constitutuere norunt, ut
falsitatem lateris brevioris non nisi in replicando depre-
hendas; *conf. R. J. Col. 1512. §. 25. Et Aug. 1548. T. 21. it. Francosf.*
1577. T. 21. falsa quoque sigilla iisdem appendendo falsum
committitur Dn. Carpz. dist. 2. 93. n. 90. Ipsa denique
pondera, ulnas, modiosque adeo adulteratas habere so-
lent, ut impossibile sit omnes penetrare aut præcavere in
vendendaque fallacias, cui pari horumā spe-

Cum curâ in supra laudatis comitiis, artic. XII. cujus ver-
 ba hæc sunt: Ob auch wegen Masse / Elen und Gewich-
 te vor diesen in diesem Fürstenthümen/constitutiones, und ins-
 sonderheit in Anno 1584. publicirt / deren renovation im 1731-
 gem seculo 1636. d. 16. Decembr. erwiedert; so gibt doch die Er-
 fahrung und werden darüber Klagen eingeführet / daß
 auf den Landen / und bevorab in den Städten, die Leute
 von zuviel eigennützigem damnicirt / bevortheilet und
 schändlich beschmutzet worden. Darwieder hiermit eine
 jegliche Obrigkeit / auch Bürgermeister und Räte in den
 Städten / wie nicht weniger die Gewerbe und Handels-
 Leute selber ernstlich verwarnet / ein schärfffer Aufme-
 rken / wie bis daher geschehen / darauf zu wenden / damit
 J. R. M. und S. D. bey thest erfolgender inquisition bey je-
 ligen Masse und Elen und Gewichte einem jeden gleich
 und recht im aufmessen wiederfahre / aller dolus und Be-
 trug abgestellt / und die darunter betreiben / in ernstliche
 animadversion und Straffe / auch verlust Ehr und Redlig-
 keit / gezogen werden / würck ich und in der That verspü-
 ren mögen / damit nicht nöthig sey / die Überfahrer andern
 zum Beyspiel selber abzustraffen. Quod si tamen res a-
 liena vendita sit, non falsi crimen committitur, sed actio
 venditi datur l. 39. ff. de act. empti. Sed ubi res eadem duo-
 bus citra rationabilē causam venditur, crimen falsi & stel-
 lionatus committi putant, per l. 21. C. de Fals. l. 3. §. 1. Stelli-
 on. l. 36. de pignor. act. Menoch. A. J. Q. cas. 381. n. 10. Boff.
 tit. de fals. n. 112. Christin. n. 24. Decis. 201. n. 17. add. Harpr.
 ad §. 7. J. de publ. judic. n. 7. Prout & in contractu pigno-
 ratitio alienam rem pro sua jactans & oppignorans, non
 falsi crimen, sed Stellationatum committit. vid. Dn. Schno-
 bel. disp. π. XXIV, 23. inf. per l. 6. §. 1. l. 36. §. fin. de pignor.
 act. l. 2. C. de crimin. Stellion. l. fin. ff. eod.

Res nummis permutabletur. Falsum autem circa pe-
 cuniam admittitur diversimodè: dum vel is qui nec jus
 monetandi ut principalis, nec exercitium monetandi à princi-

principali conductum habet, vel conductam quidem ha-
 bet officinam, sed vel extranei cujusdam Principis ima-
 ginem imprimit, vel ponderi quid detrahit, materiâ ta-
 men intemperatâ relictâ, vel aliam planè materiam, argen-
 tum fortè vel cuprum loco auri, justò tamen pondere, ad-
 hibet, vel plus justo admiscet (notum enim est, licere ali-
 quid peregrini metalli admiscere, taleris nimirum deci-
 mam sextam, ducatis secundam ultra septuagesimam cu-
 pri partem) vel denique radendo, vel frustula quædam ef-
 fringendo, prout crucigeros plerosque triangulares hiatus
 circumferre deprehendimus, quasi inter cudendum ru-
 pri essent. Carolus V. imper hæc modos ad numerum
 ternarium revocat, in sua sanctione criminali, *art. 3. pr.*
verb. in dreyerley Weise wird die Münze gefälschet 1.
wann einer betrüglicher Weise eines andern Zeichen drauf
schläget 2. Wo einer unrecht Metall darzu setzet 3. so ei-
ner der münze ihre rechte Schwere gefährlich benimmt.
 Ante vero quàm modos hæc ulterius persequamur, in-
 quirendum est, utrum hujus loci sit hæc tractatio? *an cor-*
ruptio monetae Falsum, an aliud crimen sit? Equidem
Magn. Du. Carpzov. non solum verbis id negat, sed & re-
 apte id testatum ivit, dum *in pract. sua crim.* sub titulo Falsi
dict. 2. 93. nonnisi remissivè *n. 94.* agit de falsatione monete,
 sed sub titulum de crim. læsæ Majest. retulit, *g. 42. n. 12.* qua-
 propter pœnam falsi saltem ei applicatam, in sua tamen na-
 tura crimen læsæ Majestatis esse, asserit; & sic utrumq; ef-
 fatum subsistere posse concludit, ut nempe de utroque cri-
 mine participet. Forsitan hæc est mens ejus, esse quidem
 adulterationem monete crimen falsi, at per hoc ipsum si-
 mul lædi principis Majestatem: sive esse crimen læsæ Ma-
 jest. quod falsatione incurritur. Falsum enim reverâ esse,
 ipsa nemesis Carolina fatetur, verbo: *gefälschet.* Nobis
 in præsens alia de causa de eo non licet esse prolixioribus,

quod nec instituti, nec temporis, nec sumptuum ratio id permittat; quædam tamen infra de pœnis addentur.

In contractibus ipsis eorumque forma committitur falsum, si alius agatur, alius simuletur. v. g. de jure civil. donationes inter conjuges stante matrimonio factæ, erant illicitæ; ne amor conjugū venalis evaderet, & magis ob lucrum, quàm affectum amarent, & facultatibus se invicem exhaurirent; Quam legem ita circumveniebant, ut venditione simulatâ reverâ donarent, pretiô unius nummi statutô vel penitus remissô; eo modô falsi crimen eos induisse putamus; Nisi tamen, cum animum vendendi de cætero haberent, conjugi magis quàm extraneo vendiderint, ac de vero pretio convento partem remiserint; tunc enim non tota vitatur emptio, sed supplementum exigitur, *vid. l. 5. §. 5. ff. de donat. inter vir. & uxor.* Emptio quæ unô nummô contingit, cujus exempla *vid. in l. 66. de jure dot. l. 46. Locati l. 10. in f. de acquir. poss. &c.* inter cæteros valet, non inter conjuges *l. 38. de contrah. empte.* Ulterius, moribus receptum est *jus congrui*, quô quibusdam jure vicinitatis rem ab alio distractam retrahere, & contractum in se derivare, excluso extraneo permissum: quod ut impendant venditores, simulant oppignorationem, quàm impedire nequit agnatus vel vicinus. In quibusdam pagis ad habitationes certi quidam fundi minutiores assignati sunt, quos *Haus Lânder* vocant, quia sequuntur domum, utpote cui inseparabiliter cohærent, (forte, ut si non alios fundos tam citô comparare queat novus incolâ, vel his portiunculis intercautatur, oleribus ad minimum plantandis) Evenit aliquando, ut casu separata fuissent, cum venditor forsâ solam domum distraxisset, promissione emptori factâ, ut si unquam venales sibi forent istæ glebæ, jus protimiseos sive prælationis eidem competere debeat; sed nihilominus, ut cum jure sic quæsito defraudaret, prætextu oppi- gnora-

gnorationis clam vendidit, atque cum elapsis aliquot annis ædificii dominus fraude compertâ prædia ista rustica vindicaret, præscriptionis exceptio ob lapsum anni à possessore fuit allegata: Ex quibus apparet falsum in contractu emptionis admissum fuisse, cui titulus pignoris prætextus erat: qua de causa etiam, non attentâ exceptione istâ, obtinuit actor.

Contractus aliqui per scripturam fiunt h.e. obstetricante quasi scripturâ producuntur; aliis verò jam tum perfectis scriptura saltem probationis causâ accedit, quandoque ab ipsis contrahentibus confecta, multoties verò per Notarium in Instrumentum redacta: tum ut de veritate facti, tum ut de solennitatibus juris adhibitis testetur. Ubi itidem variis modis falsum committitur, v. g. Si Tabellio falsò scribat pecuniam numeratam: aut quem præsentem contractus fuisse, *l. 13. C. h.* aut si solennitates more receptas inferere rogatus neglexerit, aut contractum in re illicita fecerit, *l. 9. §. 3. ff. h. nostro iis. arg. l. 14. §. 3. de SS. eccles. l. f. C. de Magistr. conv. arg. l. 29. in f. & ibi Sichard. C. de Testam.* Si in die sive dato contractus aut obligationis mentiuntur *l. 28. ff. ubi diversæ lectiones*, prolato - prælato (*de quib. vid. Grotius. ib.*) & *l. 15. C. h. n. r.* Si quis chirographum alienum imitetur, aut libellum vel rationes radat, intercidat, deleat, describat *l. 16. §. 2. l. 23. h.* Si quis in rationibus, tabulis, literis publicis, aliave re sine consignatione falsum fecerit vel ut verum non appareat, quid celaverit, subripuerit, delevit, corruerit, demerit, adjecerit, inciderit, subjecerit, resignaverit, falsa sigilla appenderit *l. 1. §. 4. l. 16. §. 1. h. P. S. G. O. a. 112. Dn. Carp. xv. q. 93. n. 62. seqq.* Quare & illi qui in sacris literis, verò & genuinò verborum intellectu adulteratò expuncto, ve, fanaticos errores & corruptelas subdunt, à falsi criminis non excusantur *arg. d. l. 23. & 25. h. Boccr. Classf. IV. D. 15. th.*

13. th. 15. Harpr. ad §. 7. 3. de publ. iud. n. 25. Huc referimus quoque Magistratum attestata extrajudicialia de casibus fortuitis, incendiis, ruina, captivitate, quæ pro palliando mendicandi pruritu quidam sibi ipsi conficiunt falsche Bundschaften und Bettel Briefe. *Quid si testimonium legitima natiuitatis sibi metipsi quis conficiat?* ex sequenti responso, quid statuendum, patebit. Demnach sprechen wir Ordinarius, Decanus Senior und andere Doctores der Juristen Facultät bey der Fürstl. Sächsl. Universität Jena, V. R. Ist eure Mutter von einem Edelman/ einem Kriegs-Officier / genohztüchtigt und geschwängert / und Ihr dahero gezeuget worden / und habt ihr euch schon vor ezlichen Jahren legitimiren lassen / auch fleißig von Jugend auf studiret / auf eine von euer Heymamt weit abgelegene und frembde Universität euch begeben / euer angefangene studia zu continuiren / darauf ihr auch in Magistrum promoviret, wie nun bald darauf in der Nähe bey einem von Adel ein Pfardienst vaciret / habet Ihr euch angegeben und diese Antwort erhalten / daß Ihr ein Zeugnuß eurer Geburt und Eltern bringen soltet / darauf Ihr / übele Nachrede / so euch an euer Wohlfahrt und der vorhabenden Heyrath ver hinderlich seyn möchte / zu vermeiden / euch ein Zeugnuß selbst im Nahmen des Pfarhern aufgesetzt / als wehre euer Vater ein Schreiber gewesen / und der Edelman euer Pate: welches Zeugnuß ihr durch jemand eurer Freunde abschreiben und euch zuschicken lassen / jedoch daß des Pfarhern Hand nicht nachgemahlet worden / darauf der Edelman euch dem Consistorio præsentiret / so ohne Nachfrage wegen eurer Eltern / wie es euch in der Lehre geschickt und zum Ministerio tüchtig befunden / ordinirt / welchen Pfardienst Ihr nun ins vierdte Jahr ver treten.

Wie nun vergangenen Michaeli sich in der Nähe ein ander Pfardienst erlediget / dazu ihr recommendirt, euch auch ohne Befragung wegen eurer Eltern von dem Edelman in beyseyn seines Verwalters die Pfarre versprochen ist

ist nach diesem von euern Rißgönnern vorgegeben worden / ob wehre euer Vater ein Büttel gewesen / dahero der Collator bewogen worden / an euren Edelman deswegen zuschreiben / welcher Ihm das Zeugniß so er von jenem mahl noch bey sich gehabt / geschicket / darauf ein Bote in eure Heymahr abgefertiget worden / welcher zu Rucke gebracht / wie eure Mutter von einem Tyllischen Capitain, so ein Edelman gewesen / genohrzüchtiger / heite sich aber beydes vor und nach ehrlich und Christlich gehalten / und nach diesem noch zwey ehrliche Ehemänner gehabt. Ob nun wol euch ein begangenes crimen falsi beygemessen werden wil / dennoch aber und dieweil ihr mit dem aufgesetzten Zeugniß niemand Schaden zugefüget / sondern zu Abwendung eines unverdienten Schimpffes / und / das mit eure Gebühr euch nicht zum Nachtheil gereichen möchte / solches vorgenommen / auch sonst albereit legitimirt gewesen / und euch so wol auf Universitäten / als auch in eurem vierjährigem Predigambte wol verhalten / so möget ihr des criminis falsi nicht beschuldiget / und euch fernere Beforderung zu dem versprochenem Pfardienste nicht abgeschlagen werden.

Auch seyd ihr diejenige so die injurien, als wenn ihr eines Büttels Sohn wehret / und diese Ungelegenheit euch veruhrsachet / zumahl sie wieder eure erlangte legitimation dadurch gehandelt / zu belangen wol befugt. V. R. W. Jenz d. 26. Febr. anno 1659.

Lusus imitantur quandoque contractus, & sunt spon-
sionum genus in quibus ipsis falsum nullatenus exulat, ut
in proverbium exierit aufm Spiel gilt falsch und alles.
Sed enim qui chartis taxillisve abutitur, quin falsum com-
mittat, non dubito. vid. *Magnif. Dn. Carpzov. Cr. q. 93.*

Num. 93.

CAP. III.

De Ultimis Voluntatibus & judiciis, quomo-
do in iis falsum committatur.

Cum lex Cornelia potissimum falsationibus testamentorum obviet, meruit ut lex testamentaria vocaretur §. 7. *J. de publ. jud. l. 30. ff. h. t. Paulus V. recepat. sentent. 25. & Cic. 3. Verrin. sect. 108.* ubi & Nummariam dici testatur, quod & nummorum corruptiones inhibeat; nimirum opuserat, ut, in quo frequentius peccatur, ei cautius obvietur; frequentius autem peccatur, ubi occasio est commodior, & incitamenta sunt plura. Jam verò quis non videt, multos qui probi hactenus fuerunt, quod operæ pretium fortè non mereretur, ubi integra hæreditas præmium peccati futura est, facilius ad delinquendum invitari? Variè autem circa ultimas voluntates hoc crimen committitur. Aut enim ipsum integrum testamentum falsum scribitur, signatur, subijcitur, vivo testatore aperitur, resingatur, recitatur, celatur, supprimiitur, furtim amoveretur ac surripitur, aut vi eripitur, deletur, aboletur, interliniitur, vel, ut ab alio fiant hæc omnia, dolosè curatur: & lege Cornelia tanquam falsa vindicantur *d. §. 7. J. de publ. jud. l. 2. 7. §. 3. l. 26. h. l. 14. C. b. l. 38. §. 5. 6. de panis*, quò pertinet 1. casus quem *Jul. Clarus Lib. 5. sententiarum §. testament. q. 59.* suo tempore contigisse scribit, quo mulier sagax maritum mox atque expiraverat, è lecto extrahi fecit & altum pro eo supposuit, qui, fenestris thalami clausis & capite pannis involutò, simulans se propter infirmitatem vix loqui posse, cōdidit testamentum in quo uxorem instituit heredem & aliis personis diversa reliquit legata: & 2. alius, quem refert *Petr. Caball. resolut. crimin. cas. 176. n. 12.* de quodam legitimo, qui mortuo patre se supposuit in lecto loco patris denati, & convocatis Notario & testibus seipsum heredem instituit. Aut verò in eo saltem aliquid adscribitur, sive ei in cujus potestate est, sive ei quem habet in potestate; Nec juvatur, quòd testator iusserit; nisi per indulgentiam Principis poena ei remissa sit *l. 35. C. de his qui sibi in te-*
stam.

stam. adscrib. l. 14. pr. ibi: licet iussu. 6. t. aut in testamento nuncupativo hoc fecerit. Treutl. vol. 2. D. 32. th. 8. Nec excusatur licet legatum inutile sit, rupto forte testamento vel non jure factò; modò id perfectum sit, l. 6. pr. h. add. Bachov. ad Treutl. Vol. 2. D. 32. th. 8. lit. I. K. Licet etiam testamentum militare sit, l. 1. §. 7. h. aut jus se ignorasse prætendat l. 15. pr. h. Et hæc cum pluribus aliis, quæ jam persequi non vacat ex SCto Liboniano Legi Corneliæ accesserunt.

IN JUDICIIS inveniuntur personæ judicantes & litigantes, eaque vel principales vel accessorix. Judices ipsos & Magistratûs falsum committere, non est dubitandum, cum Divus Severus lege Corneliâ de falsis damnaverit Præfectum Ægypti, quod instrumentis suis, cum præerat provinciæ, falsum commiserit, l. 1. §. 4. ff. h. n. r.

Sed & si judex constitutiones principum neglexerit, punitur d. l. 1. §. 3. eod. plus quàm autem negligit, qui adversus eas aut jus publicum pronunciat, Paulus V. sentent. 23. §. 3. ex malitia, vel munere corruptus, (juxta illud proverbium Germanicum: *hat einer Geld / so ist er ein Zeld / und der mit güldenem Aepffeln werfen kan der behält das Geld Guevarra part. 2. in den güldenem Sendschr.*) dolosè & ex proposito falsò judicat, & injustam fert sententiam, suppresso responso Scabinorum qui contrarium pronunciantum censuerunt. It. quando consensum super hypothe- ca judiciali datum, dolosè ac in fraudem creditoris ex Archivio-judiciali surripit Dn. Carpzov. q. 93. n. 52. seqq.

Ipsi litigantes tam agendo & excipiendo quàm probando falsi crimen incurrunt. Cum enim libellus instar Syllogismi sit construendus, cujus major ex jure, minor ex factò depromptus, hinc qui falsis & abrogatis edictis, re- scriptis ac constitutionibus, nullo habito auctore, utun-

rum falsi fiunt rei, *l. 25. l. f. ff. h. l. 4. C. h. t.* quem in finem
advocati vivâ voce seu scripto clientes suos defendentes,
Imperatorum nomina legibus quas laudabant vel allega-
bant, olim adjungere cogeantur. An verò & quatenus
legem abrogatam laudare liceat Vid. *Socin. reg. 285. pag.*
mibi 446. Hodie quoque qui Edicta proposita dolo malo
corrumpunt, falsi pœnâ plectuntur. *l. pen. pr. ff. h. t.* Pari-
ter, qui judicem corrumpunt, vel corrumpi curant *l. 1. §.*
2. h. idem est, si delatorem, qui in inquisitorio processu
instar actoris est, in causa pecuniaria submisceant *l. 9. §. f.*
h. Probationes utrique communes sunt, cum reus exci-
piendo vicem actoris subeat. Utuntur autem testibus &
instrumentis. Illos si vel ab initio coeunt, vel certè ex
postfacto corrumpunt, & ad falsum dicendum subornant,
falsas testationes faciendas, testimoniave dicenda aut si-
gnanda dolo malo curant *l. 1. pr. & §. 1. l. 9. §. f. h. N. 127. c.*
20. Nov. Leonis 76. 77. P. 3. Q. a. 68. in crimen hoc inci-
dunt, licet testes non proferantur aut falsum dicere recu-
saverint.. *Petr. Theodoric. Cor. Crim. Disp. VII. th. 3. lit. B.*
ut tamen mitigetur pœna *Dn. Carpz. d. q. 93. n. 12.* Cor-
ruptio autem ex variis indiciis arguenda est, unoque cor-
rupto teste, etiam alii præsumuntur *vid. Farinac. prax.*
crim. Lib. 3. Tit. 7. q. 67. Circa instrumenta delinquunt, si ta-
le quis apud judicem protulerit quod probari non potest
l. 31. h. plura vid. cap. preced. Testes falsum committunt, tum
in simplici depositione, tum pecuniæ acceptione. Illud, &
veritatē reticendo, si fortè in judicio interrogati fuerint *c. 1.*
extr. de crim. falsi & ibi Hostiens. & quæ falsa sunt deponen-
do: quod contingere quoq; putamus, si quis in judicio, ubi
sub fide jurisjurandi receptus veritatē minimè reticere de-
buit, diversa testimonia duobus præbuerit, ut inde anceps
fides vacillet *l. 27. pr. & §. 1. h. nā ex testis varietate fraus præ-*
sumitur l. 2. & 16. de Testibus N. 90. c. 3. Nec aliter esse po-
test

potest; cùm veritas non nisi ab una stare parte possit, verum enim unum est, falsa innumera; ac perpetuum in iure nostro sit, ut contraria proferenti non sit credendum. Quod si extra iudicium aliud, postea in iudicio interrogatus verum asseveret, levitas magis extra ordinem, quàm falsum puniendum erit. *Menoch. A. 7. Q. cas. 312. Dn. Schnobel. XXIV. hb. 23.* Si quis ob dicendum vel non dicendum testimonium pecuniam acceperit, falsus est *l. 1. §. 2. ibiq. Go. t. h. fr. h. t. l. 2. inf. de concuss.* Multò magis si, ut falsum perhibeat testimoniũ, quantumvis ejus testimonium postea non fuit rogatum; accepisse enim pecuniam maleficium est, falsi poenã dignum, utcunq̃ue vel non dixerit testimonium, vel verum dixerit. *Dissent. Farinac. d. q. 67. n. 220. & 265.* Idem statuimus si pecuniam acceperit, ut verum dicat *c. non sanè. XIV. q. 5. Mynsing. 6. observ. 67.* propter generalitatem *l. 1. §. 1. 2. h. tum*, quia contra juramentum suum venit, quo promisit, daß er die Wahrheit sagen und selches weder umb Giffte noch Gaben thun oder lassen wolle; tum quod depositio quæ per pecuniam fit, turpis sit, adeoque non admittenda in probationem veritatis *arg. l. 4. §. 4. ff. de cond. ob turb. caus. P. 3. O. a. 64. Diff. C. 7. A. in h. t. §. 2. n. 3.* quod juris civil. æquitati non sit consentaneum, ut is de cuius veritate aperta constar, poenã sit subjiaciendus, siquidem ut falsi quis argui possit, requiritur dolus & immutatio veritatis; at verò, ubi veritas edicitur, neque dolus neque ejusdem simulatio, argui potest; Sed *Re. 1. neg.* quòd falsum requirat mutationem, sed imitationem, *ut supr. dictum.* 2. non punitur quòd verum dixit, sed quod venale habuerit id quod gratis præstare obstrictus erat; nec dixerit ut verum, sed præstiterit ut venditum, secus facturus si nullam pecuniam acceperit, falsum quoq; dicturus, si merces solvatur: & vel sic dolosè quid immutavit. Litigantibus accedunt Procuratores qui si sint præ-

varicatores ac dolo malo proditâ causâ clientû suorû diversâ partē adjuvâr, proprias probationes dissimulâr, causâ adversariis donant, falsas exceptiones, probationes &c. admittunt, eos in lite vincere quibus superiores esse poterât, patiuntur *l. 1. §. 1. & §. 6. ff. ad SC. Turpill. l. 1. ff. de Prevar.* in criminis hujus reatum incidunt. vid. *P. 3. Q. 4. 15.* Judicibus interviunt delegati, nuncii, apparitores, quibus probè notanda est *l. 25. ff. h. n. t.* qui enim nomine Prætoris literas falsas reddidisse, edictumve falsum proposuisse dicetur, ex causa actione in factum pænali tenetur, quâquam lege Cornelia reus sit.

CAP. IV.

De Falso quod circa personas & res committitur.

Objectum Falsi speciale sunt *persona & res*, quas imitando falsum committunt. In personis notetur sexus, nomen, ætas, sanitas corporis, conditio, status & similes affectiones ex quibus veritas dignoscitur, & consequenter si ea dolosè imitemur, falsum committitur. Si fœmina *sexum* mentiatur masculinum, aliquando & dignitatem Baronum aut comitum, æs alienum contrahat, cum aliis fœmellis sponsalia contrahat, & tandem omnibus imponat, cujus generis exempla obviam sunt, falsum esse utique existimamus. Cum *nomina* ad placitum imponi soleant, quò facilius invicem dignosci homines queant, *l. 16. C. de ingen. manum.* adeoque error in nomine, dum de re ipsa constet, non vitiet negotium, §. 29. *J. de Legat.* attamen si quis dolosè aliud nomen assumat, retentâ suâ personâ v. gr. se Titium vocari, cum sit Sempronius, vel alium planè hominem se fingat, ejus assumptò nomine, falsi reus erit; exempli causâ, si ob oris similitudinem cum
sc

se esse dicat, cujus ora ferat : prout foemina quædã Medio-
lani pro Rubina incendio cœteroquin consumpta, se jacta-
vit, ut bonis ejus potiretur. Tolosę quoq; Arnoldus quispiã
de Tilla ita facie formãq; representabat Martinũ de Guerra,
ut & uxori & affinibus ejus imponeret, referente *Menoch. d.
cas. 318. n. 33.* quantas Moscoviæ turbas superiori seculo de-
derit fictitius quisquam Demetrius, aliquoties redivivus,
Magnũ ducem se gerens, *Dn. Olearius in Itinerario Persico re-
centet sub serie Magn. Duc. Mosc. p. m. 150.* Si quis atatem fal-
sò mentiatur, alios decipiendi causã, Criminis hujus
reus erit, v. gr. si minor se majorem dixerit ad alliciendum
alios eò securius cum ipso contrahendum, cujusmodi ca-
sum refert *Magnif. Dn. Carpzov. pr. Cr. q. 93. n. 42.*

Sanitas & agriiudo affectiones sunt hominum, qui-
bus pariter atque reliquis circumstantiis certificari & di-
gnosci possint ; quare si quis imitetur simulæve morbos,
vulnera, delirium, epilepsiam, carentiam linguæ ; vel
defectus naturæ alios simulent, ut donaria emendicent, fur-
ti & falsi imaginem habet.

Conditio persone, quatenus diversum quid est à statu,
reliquis exteriores habitudines, per quas in civitate quis
talis aut talis existimatur, significat : nobilitatem sc., pro-
fessionem seu vitæ genus, aliasve qualitates. Sic, versari
adhuc extra pomeria ecclesiæ Christianæ inter Ethnicos
aut Judæos, certa personæ Conditio est, quam si quis falsò
imitetur ac Judæum se mentiatur, ad hoc ut baptizetur,
muneraq; baptizandis donari solita lucretur, sine dubio
falsum committeret. Frequens hoc vitium est vagabundo
isti hominum generi, quod *Ingeiner* vocant, quibus pa-
rum est abuti sacramentis, dum vitam humanam nundi-
nas credunt, fidemq; Christianam contractum, adeoq; ex
omni negotio lucrum quærendum autumant : elegans
exem-

exemplum leges apud *Dn Carpz. d. l. n. 44.* Si quis Studio-
 sum se simulet, ut eorum privilegiis gaudeat, vectigalia de-
 fraudet, à Crimine nostro haud immunis erit; vel Senato-
 rem, ut pariter eorum prærogativâ in præjudicium alio-
 rum fruatur. Quo pertinent exempla eorum qui nobiles
 se jactitarunt, vel cum in finem ut mendicando pinguiores
 eleemosynas eliciant, vel licentiâ laxiori queant uti, recen-
 sita *d. q. 9. 3. n. 39. 40.* nec minus elegans personari cujus-
 dam Emanuelis Phocæ, Constantinopolitani, ex illustri
 veterum Imp. Græcorū familia se natum jactantis, de quo
id. ib. n. 98. Huc refer si quis illicitis insignibus usus fuerit,
 pro milite se gesserit, falso diplomate vias commeaverit
l. 27, §. f. h. Paulus V. sententiar. 25. §. 11. Si pro Doctore,
 pro Comite Palatino se gesserit, actusve illis peculiare ac
 proprios exercuerit, Notarios, Poëtas creaverit, spurios
 legitimaverit; quod si tamen nudè se talem quis jactave-
 rit, mendacium magis quàm falsum erit. *Status* perso-
 natum est civilis eaque essentialis atque intrinseca earum
 conditio, quâ vel incerta familia vel civitate vel libertate
 vivunt. Quare si qui liberorum hominum condi-
 tionem dolosè imitentur, à falso vix erunt immunes.
 Ut & nec illi qui familiam mentiuntur in aliorum præ-
 judicium, id quod dupliciter evenire potest, vel 1. par-
 tum alienum supponendo *l. 19. §. 1. l. 3. l. 30. §. 1. l. 1. ff. de*
agnosc. & alend. lib. licet hoc non ab obstetricibus sed ab
 ipsis Larenibus fiat, dummodo per hoc aliis damnum in-
 tulerint: Pone, ob proles masculæ defectum familiam quâ-
 dam extinctam, feudumve apertum ad Dominum rever-
 sum fuisse, vasallum verò in agnatorum vel Domini præ-
 judicium filium supposuisse; aut novercam in præjudici-
 um liberorum prioris matrimonii ventrem simulasse par-
 tumque emptitium iisdem obtulisse quò unâ de heredita-
 te participaret fortè opulenta,

Ita alium in finem partus supponi solent, ut imprægnatas se ab aliis fingant, atque adeò pro desolatione atque putativo seruo virgineo majorem pecuniæ copiam à stupratore extorqueant. *Vel* 2. seipsum ex certa familia oriundum in cujusdam odium fingere: de quo exemplum legitur apud *Ant. Fab. in Cod. lib. 9. T. 16. d. 1.* ubi carnifex quidam honesti alicujus viri & advocati nomen sibi arrogaverat, seq; pro agnato ejus publicè, falsò & dolosè, jactitaverat, ut probi & nobilis viri existimationem læderet, aut ab eo pecuniam, ne id faceret, extorqueret.

Extremum occupent locum qui non in ipsis personis nec ulla eorundem affectione quid imitantur, sed proprio habitu mutato, peregrino, ridiculoque utentes vestitu, personati & larvati incedunt, in itaque ludendi ac fallendi alios societate, falsorum taxillorum jactu homines decipiunt, quos *Spitzbuben* / *Putzenmacher* vocitare liceat, de quibus vid. *Dn. Carpz. d. q. 93. n. 92.*

Methodi leges exposcunt, ut visis personis *de rebus* quoque agamus, quoniam tamen jam *supra* c. 2. occasione contractuum pluscula de iis dixisse videmur, pauca & quasi omissa hic subjungemus; Ac primùm operæ pretium facturos nos arbitramur, si in naturam hujus delicti, ejusque *ab ædilio edicto discrepantiam* paulò penitius introspeciamus. Cùm enim certum sit, vendentium calliditati, & fallaciis illud esse oppositum *l. 11. §. 2. l. 37. ff. de edil. edict.* merito dubitaveris, utrum ea quæ dictum Edictum vindicat, sint species Falsi, an quid diversum? Ecquid non omnem fallaciam ad hoc nostrum delictum referre liceat? & quænam propriè ad illud edictum spectent? Pro quarum quæstionum resolutione notandum, Edicti Ædilitii partim angustiores esse, quàm Legis Corneliæ, terminos: illud ad res tantum easque venales pertinet; hæc verò, ut jam dictum, etiam ad personas. Illud ad contractum emptio-

nis principaliter, & per extensionem ad eos solos qui emptioni sunt similes *l. 19. §. 5. ff. de adilit. Edict.* Hæc verò ad cæteros quoque pertinet actûs, judiciales & extrajudiciales. Partim ampliores, dum lex Cornelia solum dolum vindicat, Ædiles verò, sive calliditate venditoris emptori vitium rei non fuerit revelatum *l. 38. l. 14. §. 9. cod.* sive ignorantia ejus *l. 1. §. 2. d. t.* edixerunt, sicut & si ea, quæ de re emta affirmaverit aut promiserit venditor, non præstiterit *v. l. 19. l. 38. §. 10. cod.* Ita tamen ut ex edicto, tanquã privato judicio, actiones oriantur civiles, ex L. Cornelia verò, tanquam judicio publico, etiã criminales; Adcoque Lex Cornelia de ea falsitate loquitur, quã ex proposito immutant imitanturq; veritatem: Ædiles verò de vitiis citra factum venditorum extantibus, & ab iis saltem occultatis & non detectis; vel ubi pro alliciendis emptoribus res plus justo fuit, absque mutatione, laudata. Non tamen negaverim, si quis putet, quibusdam casibus utrumque concurrere, ut deceptus privatò; Respublica verò publico Legis Corneliæ judicio unum idemque crimen vindicent; productum enim Edictum ex ejus mente ad cæteras res omnes, mobiles & immobiles, quarum usus morbo vitiove impeditur *l. 1. pr. l. 49. l. 63. ff. & l. 4. C. de adilitio edicto*, ubi si vitium dolosè occultatum & imitatione quadam rei sanitas & perfectio repræsentata sit, & falsum erit commissum, Lege Cornelia vindicandum, & nihilominus læsus redhibitoria vel æstimatoria suum interesse consequi poterit.

Res perinde ut homines certis nominibus atque titulis insigniuntur ac distinguuntur; quapropter si quis i. injustarum causarum desperatione, potentiorum nomine titulos prædiis litigiosis affigat, veluti arma, insignia gentilitia, effigiem aut nomen alicujus potentis, Prælati, Ecclesiæ, quasi eorum sit possessor, ut sic Dominus ab illis prædiis

diis vindicandis & repetendis deterreatur, falsus erit; de quibus conqueritur Augustinus in Psal. XXI. his verbis: Ne domum ipsius petat aliquis, ponit ibi titulos potentis, titulos mendaces; ipse vult esse possessor, & frontem domus suæ de alieno titulo muniri, ut, cum titulus lectus fuerit, conterritus quis potentiâ nominis, absteineat à petitione. *Plura vid. Lib. II. C. Tit. XV. de his, qui potentior. nom. tit. præd. affig. add. Nov. XVII. c. 15. N. CLXIV. c. 1.* (2.) si quis privatus titulos prædiis suis vel alienis imponat, vel vela regia suspendat eâ intentione, ut ad fiscum vel principem pertinere significet, quod tamen est privatorum *vid. Tit. XVI. Cod. Lib. 2.* (3.) Si quis signa tabulis, aut titulos rebus alienis impresserit, imposuerit, suspenderit, vel nomen suum superscripserit; cuiusmodi exemplum legitur *in l. 36. pr. ff. ad municip. vid. lib. 1. C. tit. XVII. Novell. CLXIV. & N. XXVIII. c. 5. l. 22. §. 2. ff. quod vi aut clam. l. 1. 2. C. ut nem. lic. sin. jud.*

CAP. V.

De propria natura falsi, & quibus modis id non committatur.

Ratio formalis huius delicti in genere consistit *in dolo*, per eum enim separatur à reliquis actibus licitis, ad hoc ut delictum sit: Nec tamen dolus præsumtus sufficit, sed verè illum adfuisse probandum, alioquin in dubio error præsumitur. *l. 1. inf. C. de his qui sibi in test.* Menoch. *l. 3. conf. 221. n. 15. 16.* per occultationem verò, suppressionem, imitationem & obtrusionem aliûs pro alio, speciale hoc delictum constituitur, ita ut falsum dicatur. Neque necesse ac perpetuum est, ut res mutantur, prout contingit in corruptione ponderum, ulnarum &c. sed multoties res suò quodam vitio corruptæ pro integris, probis ac sanis offeruntur, ut merces: haut rarò merces integræ ac sa-

riæ in se, sed non illæ, quas alter desiderabat, offeruntur. Postquam tamen hæc omnia jam *supra cap. 1.* præmonita, hoc locò saltem per modum conclusionis inferimus, tria ad hoc delictum constituendum requiri atque concurrere debere, 1. suppressionem seu imitationem, 2. dolum & lædendi intentionem, & denique 3. ipsum eventum & læsionem: & conseq. sicubi requisita hæc absint, Falsum non erit; nec alterutrum adesse sufficit: ne alioquin falsum dicamus, si medicus amara pharmaca saccharo edulcata porrigit, ubi quidem veritatem pharmacorum dulcium, ægroti decipiendi gratiâ, imitatur, sed absque dolo & animo lædendi. Hinc licet falsum nomen vel cognomen adsumens falsum committat, *l. 13. pr. ff. de Fals. l. 4. C. de Testam.* si tamen sine fraude licitò jure fecerit, falsi reus non erit *l. un. C. de mut. nom.* imò sæpè interest, ut quis alterius nomen & familiâ, v. g. arrogatoris; servus manumissus Patroni nomen adsumat; nam & heres institutus nomen testatoris suscipere solet, imò interdum debet, si institutus sit sub conditione gerendi certi nominis aut cognominis, aut sumendi defuncti vel alterius honesti hominis insignia: Secus est in famoso & turpi nomine. add. Charond. *lib. IX. Resp. 48.* Menoch. *A. J. Q. cas. 318.* *Opponuntur autem dolo* (1.) Error, ignorantia, simplicitas; quapropter falsi accusatio non nascitur, si quis falsum dixerit sine dolo *l. 22. h.* aut per errorem falsum scripserit *l. 20. C. h.* Si quis errore fortuito, non dolo malo contraria testificetur *N. XC. c. 3. & c. un. x. de Scrutin.* Si quis per errorem falsa instrumenta aut testes produxerit *l. 31. h. fac. l. 1. §. 1. & 2. cod.* Si quis in calculo vel ratione mentiatur *l. 23. h.* cum in eo errorem commissum etiam prudentioribus prætexere liceat *l. un. C. de error. Calc.* Si quis ignoranter falsam monetam expenderit, quod alias si dolo fiat, gladio puniri solet. Vid. Menoch. *A. J. Q. cas. 316. n. 55.* (2.) propria

pria deceptio, v. g. si is qui falsis rescriptionibus usus est, per alium ipse deceptus sit prius, & suam innocentiam probare, eumque à quo accepit, exhibere possit *l. 4. C. h. (3.)* Oblivio; unde si Notarius ex causa oblivionis instrumentum, quod olim acceperat, celaverit, falsi reus non erit. Menoch. *cas. 311. n. 3.*

Pari modo, cessante secundò requisitò, nim. suppressione s. imitatione, falsum non committitur; atque adeò, si quis acceptà, ob falsum dicendum testimonium, pecunià, nondum dixerit quicquam, falsus non erit, juxta Menoch. *cas. 310.* Boer. *Cass. IV. D. 15. rhes. 62. vid. sup. cap. 3. de Testib.* Si falsum instrumentum non fecerit aut scripserit ipse, sed saltem recitaverit quis compositum ab aliis, in L. Cornel. non incidit. per *l. 8. C. & l. 13. §. 1. ff. h. ubi advocatus ob falsi recitationem 10. annis ordine movetur, & post finem temporis dignitatem respondendi recuperat, juxta l. 2. pr. de Decur. l. 4. C. h. t.* atque ita ob recitationem falsi ordine motus infamis non censetur *arg. l. 13. §. 1. ibiq. Gothoff. lit. U ff. h. n. t.* Quòd si quis non veritatis occultandæ, sed furti causà instrumenta celaverit, falsum equidem non erit, sed furtum *d. l. 27. ff. de furtis*, Menoch. *cas. 311. n. 9.* Similiter si quis in moneta publica operans extrinsecus pecuniam sibi signaverit formà publicà, vel signatam furetur, is non viderur adulterinam moneram excreuisse, sed furtum publicæ monetæ fecisse, idque ad peculatus crimen accedit *l. 6. §. 1. ff. ad L. Juliam Pecul.*

Denique ob defectum ultimi requisiti, Lætionis, falsi crimen non incurritur, v. g. Si quis non nocendi animò, sed pro salvanda rei vita & existimatione falsum dixerit, juxta *Dd. opinionem v. Jul. Clar. §. 31. & ibi Bajard. n. 32.* Si quis suppresserit instrumentum invalidum, quod nemini nocere possit. Menoch. *cas. 311. n. 9.* Si quis testamentum, quod nullò jure valet, suppresserit, *l. 38. §. 6. de pænis. l. 6.*

pr. vers. hoc tamen. ff. h. n. t. aut legatum in testamento
pondum perfectò, rupto, injusto adscripserit, *ibid.* Si quis
falsas monetas ludendi, non expendendi causâ possider.
Menoch. *cas. 316. n. 62.* Bocer. *class. IV. D. 15. th. 43.* vel si
maximè ab initio lœdendi habuerit intentionem, maturè
tamen & re adhuc integrâ voluntatem pœnitendo muta-
verit, adeoque falsi instrumenti, quod alii machinari sunt,
usu abstinerit *l. 8. C. h.* quia pœnitentia usque ad senten-
tiam definitivam admittitur *l. 24. ubi Gothofr. lit. 2. ff. h.*
Menoch. *cas. 312. n. 29.* Harprecht. *ad h. t. n. 131.* It. Si quis à
moneta percutienda destiterit, totumque formare no-
luerit *l. 19. pr. h.* Menoch. *cap. 316. n. 23.*

CAP. VI.

Quidnam efficiat, ut actus quispiam sit peccami-
nosus & Falsus : & de intentione delin-
quentium.

CAusæ externæ hujus delicti sunt Efficiens & Finalis.
Efficiens iterum vel remota vel propinqua. Per hanc
intelligimus ipsum delinquentem, quem *supr. sub tit. de*
subjeçto collocavimus. Præsupponimus autem hîc, tan-
quam aliunde satis nota, requisita sc. obligationum & qui-
nam ex suis actibus obligari possint, & excipimus im-
puberes, furiosos, errantes &c. *l. 31. ff. h. t.* Delinquit ve-
rò aliquis vel per se & in propria persona, vel per alium :
vel à priori, jubendo ; vel à posteriori, ratum habendo ; vel
concurrente, opem consilium ferendo, non prohibendo
l. 9. §. 1. ff. h. aliquando conscii reatum incurrunt. *vid. l. 1.*
C. de Fals. mon. Hasce personas libet vocare subjectum a-
ctivum, operans, superius. Illi verò qui decipiuntur vel
quibus quis imponere conatur, passivum nobis erunt sub-
jectum. Sed annon hi propriæ imputabunt stupiditati,
quòd decipi se passi fuerint, quòd cautius mercati non
fuc-

fuerint? annon licitum est naturaliter in contractibus se circumvenire? juxta illud vulgi: Qui non aperit oculos, aperiat loculos. Verum longè alius illius brocardici sensus est, quòd conditio humana non patiatur, cò quidlibet pretiò quò comparatum est, vicissim distrahere; sed natura cuilibet operi suum indiderit pretium, unde vivamus, cui quoque liceat impunè inhicere, dum absque fraude fiat atque dolo.

Causa remota cujuslibet delicti est *Lex*, sive dispositio Legislatoris, quæ hunc vel illum actum approbat vel reprobat; & prout lex vel naturæ vel positiva est, quæ prohibet, ita quoque actus naturæ vel civitate probrosus erit. Hoc ipsum Imper. Justinianus innuit, quando *pr. l. de suspect. tutor.* crimen suspecti *ex L. XII. tabb.* esse dicit. Quamquam enim materialiter loquendo actum ipsum celebrat is qui delinquit, neutiquam tamen sub ratione mali eum perpetrat, nec credit se delinquere, sed, licet falsò persuasus, licere sibi vel hac ratione vitæ subsidia quærere, atque in contrahendo alterum circumvenire; unde, ut actus aliquis selectus, bonus vel malus sit, Legislator, quicumque etiam sit, disponit. Quos equidem natura damnat, in se mali sunt quantumvis lege civili non improbantur. Quos verò lex civilis reprobat, mali quidem sunt, non tamen quasi in se tales, & ante rejectionem fuerint, sed quia rejecti sunt. Licet autem actus ad nostrum delictum pertinentes in se satis sint vitiosi ac turpes, propter subdolam calliditatem, quæ ingenua & candida nullatenus decet pectora, adeoque absque conscientiae morsu perpetrari non possint; tamè ad hoc, ut in civili vita iis abstineretur, dictamen conscientiae non sufficiebat, quippe multi reperiuntur, qui dummodò, quæ cupiunt, obtineant, intrinsecos istos non curant morsus atque punctiones; unde quia per hoc beatitudo civilis haud parùm læditur, privati autem
his

his excludendis, impediendis aut vindicandis pares non
existunt, cura hæc ad ipsam remp. & qui ei præest, devolu-
ta fuit: & quidem in specie in rep. Rom. de cuius jure in
præfens agitur, suscepunt id negotii, modò Populus,
modò Senatus, modò Principes, modò Jcti. Unde evenit
ut rubr. ff. h. n. t. bimembris sit, provocetque ad Legem
Corneliam & SCtum Libonianum. *Lex Cornelia* dicitur
ab Authore suo, L. Cornelio Sylla Dictatore, de quo *v. l.*
2. §. 32. ff. de Or. j. ut qui populò rogante eam tulit. De mo-
do leges apud Roman. rogandi, & cætera eorum legum-
latione jam prolixius agere non vacat. Gessit autem L. Cor-
nelius Sylla Felix Dictaturam juxtaque Cõsulum cum
Qu. Cæcilio Metello Pio *A. U. C. Æ LXXIII* suâque hac le-
ge plura complexus est. Præprimis verò, cum de Falso es-
sent quidem Leges antiquæ, illud tamen crimen latissimè
pateret, atque omnia, quæ falso dicta aut scripta aut facta
in alterius damnum essent, dictæ leges hoc nomine com-
plecterentur, nec certi essent super hac re Prætores, Sylla
noster cum laudato Collega suo, anno supra dicto, relatis
legibus certum etiam Prætorem huic crimini addidit, ac
sequentia de Falso cavit; *Prætor, qui ex hac lege quæret, de
ejus capite querito, qui testamentum amoverit, celaverit,
eripuerit, deleverit, interleverit, subjecerit, resignaverit:
quiq; testamentum falsum scripserit, signaverit, recitaverit,
dolo malo id factum erit. Qui sibi legatum, fideicommissumq;
adscripserit. Qui nomine Prætoris literas falsas reddiderit,
edictumq; falsum proposuerit. Deq; ejus capite querito, qui ob
falsas testationes faciendas, testimoniave falsa invicem di-
cenda dolo malo coierit, quiq; indicem corruperit corruppen-
dumq; curaverit. Deq; ejus capite querito, qui nummos au-
reos partim raserit, partim tinxerit vel sinxerit, qui in au-
rum vitii quid inviderit: qui argenteos nummos adulteri-
nos flaverit, qui cum prohibere tale quid posset, non probi-
buit.*

buit. Qui nummos stanneos, plumbeos emerit, vendiderit do-
lò malo, eiq; damnato aqua & igni interdicito. Unde propter
 contenta hæc modò testamentaria lex dicitur, §. 6. *l. de*
publ. jud. l. 1. ff. eod. l. 30. ff. h. n. t. l. 6. §. 1. ff. de extraordi
crim. modò nummaria, vid. Cicero Verrin. 3. & de Nat. Deor.
lib. 3. Sed cum temporis successu lex ista sufficere non vi-
 deretur, multa per Senatum determinata, eiq; annexa
 sunt. *Paulus JC. lib. 22.* quæstionum allegat SCtum, quo
 prohibemur, nobis vel his quos in potestate habemus ad-
 scribere legatum *l. 14. ff. h. t. & Callistratus lib. 1. 24.* aliud
 caput refert, *l. 15. §. 2. h.* Factum autem in hanc rem SCtum
 sub Tiberio Imperatore, Statiliò Taurò & Libone Cossi
 Cujac. *paratitl. C. hic. & C. de his qui lib.* in quod Paulus sin-
 gulari libro commentatus est, ex quo *lex 22. ff. h. t.* est de-
 promta. Disponit autem de iis, qui adhibiti ad alienum te-
 stamentum scribendum, in eo vel hereditatem vel aliud
 quiddam emolumenti, patientiâ, voluntate vel jussu Testa-
 toris adscripserint; quod quasi Falsum dicitur. Postea ve-
 rò vim suam etiam in eos exercere cepit, qui alia falsa in-
 strumenta quàm testamenta dolo malo signârunt, signari-
 ve eurârunt *l. 1. §. 4. l. 9. §. 3. l. 16. §. 1. & passim ff. h. n. t. Pau-*
lus lib. V. sent. T. 25. nec mover, quod ibi legi potius Cor-
 nelix adscribuntur; Nam fit hoc propter applicationem,
 quia Senatus legi Cornelix, quæ aliàs de nullo alio instru-
 mento quàm de testamento loquebatur, ea adjecit, ejusq;
 poenam eò extendit. Ut adeò differentia inter Legem Cor-
 nel. & SCr. Libonianū ea intercedat, ut ibi denuum Falsum
 sit, & legi Cornelix locus, si qui adhibitus & advocatus ad
 scribendum alienum testamētum in eo sibi vel hereditatē
 vel legatum vel fideicommissum, vel libertatem vel quid
 aliud emolumentum *invito & ignorante* Testatore sibi
 adscribat: Falsum verò non sit, si hoc faciat *volente & ju-*
bente testatore; sed quasi Falsum & SCto Liboniano lo-

eus; quo utique punitur, tamen si id quod sibi adscripsit pro non scripto habeatur & cedat heredi scripto vel coheredi vel substituto.

Nec tamen solum hoc SCtum fuit; Nam frustra ceteroquin in plurali locutus fuisset Macer. lib. 1. Public. quando *l. 10. pr. ff. h. n. t.* dicitur; *nihil SCtis cavetur*; nimir. sub eodem imper. Tiberio aliud SCtum, Licinio Vrum & Taurô Coss. factum est, quo ejusdem legis pœna irrogatur ei, qui falsas testationes faciendas, testimoniave, pecuniam acceperit, pactusve fuerit, societatem coiverit aut aliquam obligationem interposuerit, & qui coierit ad accusationem innocentium. Et aliud, Geminis Coss., quo eadem adscitur, qui ob denunciandum vel non denunciandum remittendumve testimonium pecuniam acceperit *v. l. 2. ff. de concuss. l. 1. ff. h. n. t.* Non est omittendum hac de re, qua de primùm factum est SCtum *Libonianum*, authore Tiberio, & postea factum fuisse aliud SCtum ex Edicto D. Claudii *l. 3. C. de his qui sibi adscr. in testam. l. 15. ff. h. n. t.* quod *SCtum Claudianum* dicitur. Ut adeò distincta SCta de una eademque re sint facta; quod partim ex *alleg. l. 10. pr. ff. h. n. t.* partim ex inscriptione libri singularis Pauli ad SCtum Libonianum s. Claudianum, probari potest. Postmodum Impp. Antoninus *l. 1. C. h. n. t.* Valerius & Gallienus *l. 2. C. h. t.* Diocletianus & Maximianus *l. 10. cod.* Jcti quoque plura *per interpretationem* addiderunt, quæ in republ. libera ex communi placito usuque fori: ex Imperatorum verò autoritate in republ. occupata increbuerunt. Ut adeò denuò reperere liceat, causam hujus nostri delicti efficientem esse Legem, seu cum penes quem suprema in rep. est potestas. Nec statuimus tamen, inde injuriam promanare unde jus oriri debeat; Nec sanctissimam legem vel ipsos juris conditores falsariis exaquamus, authores aut perpetratores præsentis delicti statuimus,

mus, sed comparamus delinquentes alicui in tenebris a-
genti (sicut & in sacro Codice dicitur; qui mala facit, odit
lumen: & peccata vocantur opera tenebrarum) lumine
superveniente patefunt omnia, quæ in obscuro peregit.
Lex lumen est & causa peccati per revelationem, per da-
mnationem actuum, eo ipso quòd manifestat & declarat
hoc vel illud factum pro doloso aut culposo; quorsum in-
clinat Apostolus alicubi inquiens: concupiscentiam ne-
sciebam esse peccatum nisi lex dixisset non concupisces;
absque legis enim prohibitione si esset, actus illi non es-
sent peccaminosi.

Causa finalis & scopus Falsariorum est, ut si possibile
sit, proximo imponant, quâ suâ intentione obtentâ effectus
adeat, ipsa deceptio & consequens læsio. Læditur autem
directò & immèdiatè is cum quo contrahitur, mediâtè ve-
rò & Respublica, quæ scopum suum, quò cuilibet civium
summum bonum politicum & beatitudinem civilem præ-
stare allaborat, per hoc obtinere nequit; ex quo fluit, ut &
pauciores eò se conferant ibi vivendi causâ, qui verò ibi
sunt vel sedes mutant, vel cum concivibus in dissidiis vi-
vant, ex indignatione verò tandem ipsi reipubl. malè cu-
pere incipiant, quòd sufficienti ac desiderata defensione
non fruantur. Quæ tamen huic malo per leges, judicia &
pœnas obviam ivit. Lex alternativè obligat vel ad obedi-
entiam & non fallendum, vel ad pœnam & emendatio-
nem, damni que resarcitionem. Cùm verò sperandum vix
sit, quòd sponte se quis pœnæ sit oblaturus, privati autem
nec possint (nam par in parè m non habet imperium) nec
debeant concives coercere & punire (cùm non sit privatis
permittendum, quòd publicè fieri interest) ideò Respubli-
ca judicia constituit, eaque sufficienti auctoritate & pote-
state munivit, ne ludibrio sint condemnatis; eò remittun-
tur læsi, ut si quas putent petitiones se habere, actionibus
experiantur. l. 13. ff. quod m. caus.

De delicto Falsi vindicando.

Postquam crimen Falsi extra suas causas constitutum sic representavimus, restat, ut *officium magistratus* circa idem puniendum consideremus: illud autem potissimum se exerit in iudicio: quoniam autem crimen Falsi publicum est, ideo & iudicio non nisi publico vindicandum. Non autem omnia iudicia, in quibus crimen vertitur, publica sunt, sed ea tantum, quæ ex legibus iudiciorum publicorum veniunt, seu quæ ad dissipationem statûs publici vergunt. Nec tamen ideo publica dicta sunt, quod cuius ex populo eorum executio detur, quia eadem nominis ratio obtineret quoque in popularibus, publicum enim est quasi populicum; sed quia legibus publica facta sunt, id est, quia lege constitutum est, ut quæstio publica instituatur de eo crimine. Publicas autem quæstiones Cornelius Sylla constituit, veluti de Falso, de Parricidio, de Sicariis.

Forum competens præsentî delicto est *Roma* apud Præfectum urbi, utpote ad quem spectabar de omnibus criminibus cognitio. *l. 1. pr. §. 4. ff. de off. Præf. Urb. in provinciis* apud Rectores earundem s. Præsides *l. 9. & 10. C. b. 1. Prætoribus* urbanis verò in facinorosos animadvertere non licuit *l. 1. §. f. l. 2. de suspect. tutor.* vid. Magn. Dn. Struv. *Synt. jur. Civ. D. IV. th. 17. & 23.* poterit tamen & pædaneus iudex vel delegatus incidenter de falso cognoscere, licet principaliter de eo iudicare nequeat, *arg. l. 3. C. de iudic.* Ergò de crimine aliquo incidenter coram quocunque iudice agi potest: & iudex est etiam iudex causæ exceptæ, si ea incidat, *l. 1. C. b. n. t. Menoch. A. J. Q. L. 1. q. 91. n. 7. Fachin. L. 1. c. 4. Modum procedendi* quod attinet, duplex ille est, Civilis & Criminalis; potest enim civilis quoque in factum actio institui, *l. 5. 9. & 23. C. b. n. t. l. 25. ff. eod. l. un. C. quand. civil. a. Mio crim. præjud.* Sic damnatus ex falsis instrumentis, civiliter

liter in id, quod interest suâ, agere potest; vel si nondum condemnatus sit, agnitâ falsitate, officio judicis in tantam summam condemnari Falsarium, in quantum actum apud eum est; vel in minorē, prout ei videbitur, Cujac. *XIII.O. 38. add. l. 11. §. 1. in f. ff. de accus.* Et hoc casu ad accusandum illos solos admitti credo, quorum interest, seu quos immediate decepit alter, *l. 30. §. 1. ff. h. l. 5. pr. ff. de his que ut indign.* In persecutione autem criminali (cujus ordinem antiquum prolixè recenset Gothofr. ad *l. 8. ff. de publ. jud.* ubi videri potest) quilibet è populo admittitur, *vid. §. 1. l. de publ. jud. d. l. 30. §. 1. ff. h.* Nam interest Reip. plures esse qui eam defendant ac vindicent; id quoque à quolibet civē requirit præstitum homagium, quo juravit, & inter alia promisit, daß Er seines Herrn Vestes werben / Schaden warnen wolle / &c. (Exceptô quod de partu supposito soli accusent parentes, *l. 30. h. t.* ad imitationem adulterij, ubi etiam non quivis è populo admittitur. *l. 30. C. ad L. Jul. de adult.*) Licet autem mulieri in aliena causa falsi, utcunque ejus inter sit, accusare non permittatur, *l. 19. C. h. fac. l. 1. §. 10. ad SCt. Turpill.* in totum tamen foemina non excluduntur, *l. 2. pr. ff. de accus.* quin servus quoque admittatur, *l. 7. ff. h.* etiam contra proprium Dominum monetas falsantem, *l. 53. ff. de judic.* An etiam illi, qui semel transegerunt, admittantur? *vid. l. 7. ibiq. eleganter Gothofr. C. h. t.* Ecquid heredes quoque audiendi? Dist. ut *affirm. in civilibus*, quia pecuniarium persequuntur interesse. Unde ob partum suppositum heredes conquerentes audiuntur *l. 1. C. h.* non tamen huc pertinet casus *l. 3. ff. Et l. 3. C. h. l. 5. pr. ff. de his que ut indign. auf.* ubi heres institutus, agnitâ jam tum hereditate falsitatem resciscens accusat testamentum; quia heres quidem est, non tamen ejus qui de falso agere potuit; nec in accusatione cuiquam succedit. Sed primus eam instituere potest, & heres quidem, sed tamen ratione

hereditariae successionis saltem vocatur, *Neg. in criminabilibus*: quia ibi non ut heredes, sed ut quisvis alii è populo admittuntur *l. 5. §. 5. ff. de his qui de j. vel effud.* Reus criminis hujus postulari potest quilibet qui modò habilis est ad illud committendum (removemus verò pupillos, furiosos &c.) imò in conscios, qui nihil ipsi deliquerunt, accusatio datur, *l. 1. C. de fals. mon. p. 3. §. 4. ut. item eos, qui cum possent, non prohibuerunt, l. 9. §. 1. ff. h.* Heredes, si quid ad eos pervenit, conveniuntur, non criminaliter ut puniendi, sed civiliter ut turpe lucrum illis excutiat *l. 4. pr. l. 12. l. 19. §. 1. ff. n. t.* quod si ipsi deliquerint, non ut heredes, sed proprio nomine conveniuntur & ut ipsi principales puniuntur.

Actor & reus in omni judicio, licet non eodem modo adesse debent, ita ut in processu inquisitorio fama reputetur pro actore. Quia de causa olim, ne deficientibus accusatoribus delicta manerent impunita, constituti erant Stationarii seu Trencharchæ, quibus publicè mandabatur, ut si quid gravius accidisset, id denunciarent magistratibus, *l. 7. C. de accusator.* unde & nunciatores appellabantur, *l. 6. §. 3. ad Sc. Turpillian.* publici & necessarii delatores, *l. 6. ff. de custod. & exhib. reor.* Hæc Fiscus advocatus s. Fiscalis adjungi solet, qui delinquentem accusat, & processum ordinarium adversus ipsum persequitur, ne ipsemet magistratus agere & in processu ordinario accusatoris & judicis officio simul fungi videatur, *l. 5. C. de Delator. Lib. X. Gail. 1. Obs. 90. n. 2.* Fundamentum agentis est fraudulenta imitatio vel occultatio veri in suum præjudicium attentata, cujus probatio ipsi incumbit. Fit autem in hoc judicio acerrima indagatio, ut & à reo probatio quandoque exigatur, *l. pen. C. eod.* quod tamen in praxi nusquam servari testatur *Vvesenb. paratit. ff. h. n. t. n. 11.* nisi quòd juramentum purgationis, oneratis suspitione reis, neque tamen in totum

totum convictis imponi soleat *t. t. x. de purg. can.* Intentio autem siue cōclusio supplicationis in iudicio civili ad hoc tendit, ut damnum sibi resarciatur quantum suū interest in duplum, *l. 32. § 1. ff. h. t.* vel ad retractandum falsum, *l. pen. C. de Transact. l. 33. ff. de re judic. t. t. C. Si ex fals. alleg.* in criminali verò ad vindictam, *l. pen. C. h. t.* ad certam autem pœnam in libello accusatorio exprimendam non tenemur, sed iudicis arbitrio & juris dispositioni committere, *p. 3. Q. a. 89.* iudicis ergo officium ad actoris intentionem, delicti naturam & jura statuta directum esse debebit, nec semper sententia libello esse conformis; id quod equidem in civilibus regulare est, *l. 18 ff. comm. divid.* in criminalibus tamen fallit: cujus differentię rationem *vid ap. Magn. Dn. Carpzovium pr. Crim. q. 106. n. 17.*

Sunt autem *pœnae* pro varietate delicti diuersę statutę. Ut methodo supra servatę insistamus, falsatores mercium juxta *p. 3. Q. a. 113.* arbitrarię puniuntur; unde alium simpliciter ad biennium; alium cum fustigatione in perpetuum relegatum legimus *ap. Magn. Dn. Carpzovium pr. Crim. q. 93. n. 87. & 90.* Fraudes in pannorum distractione commissę, confiscatione omnium bonorum venditoris, honoris discrimine, emptori prius damnò refectò, puniuntur, accusatoribus insuper mercibus pręmii locò adjudicatis. *R. J. de anno 1570. §. 153. & 157. & anno 1577. T. 21. §. 3. in fin.* Qui corrumpunt vinum, aquā, calce, sulphure, aliisve mixturis, hos infamiā, corpore, bonis mulctari iussit *Maximil. J. Imp. Constit. imper. 1497. Friburgi Brisgau. ii. 1500. T. 32. 1577. T. 16.* Qui mensuras vel pondera corrumpit, quanti res est, duplo condemnatur, & in insulam relegatur *l. 32. §. 1. h. l. 6. de Extraor. crimin.* itemque virgis cęditur, aut pro magnitudine falsi ex consilio prudentum, mortis, aliāve extraordinariā pœnā affligitur, *l. 37. de pœnis.* Jure Saxon., qui corrumpit mensuram, is cum fustigatione, qui cę

uti-

utitur tantum, is sine ea relegatur. Wessenb. n. 9. h. Qui falsam monetam & fabrefaciunt, simul & expendunt, flammis exuruntur, P. 3. O. 4. 111. Qui solum cudunt, non expendant, gladio feriuntur. Dn. Carpzov. pr. Crim. q. 42. n. 26. & n. 91. Si expenderit modò, non confilaverit, fustigatus perpetuò relegatur, id. ib. n. 97. Contractus probantur instrumentis. Qui falsum instrumentum, signacula, literas, sigilla machinatur, hodiè vitâ, exilio, membri amputatione, fustigatione, damni restitutione, pro magnitudine delicti, punitur. P. 3. O. 4. 112. ubi Rigel. cap. 10. reg. 9. add. Dn. Carpzov. d. q. 93. n. 64. seq. Qui numerationem vel solutionem factam falsò scripserit, si non dolò id fecerit, arbitrariè puniendus erit, Nicol. Honthem. ar. Notar. 3. c. 18. n. 29. seqq. Notarius qui falsum conficit instrumentum, vel illicitum contractum contra juris rationem scribit, vel manus amputatione vel perpetuò exiliò punitur, simulque officio deponitur cum infamia. l. 14. §. 3. G. de SS. Eccles. Constit. Frid. imper. 2. F. 55. Gail. 2. O. 4. n. 2. & O. 77. n. 4.

Sequuntur actus ultimarum voluntatum. Illi qui in testamento alieno sibi ipsis quid adscribunt, pariter Legis Cornelie pœnâ tenentur, & insuper ejus quod eis relictum est, incapaces fiunt. vid. prolixè t. 1. C. de his qui sibi adscribi in testam. ibiq. Dd. Qui patris testamentum abolevit quasi intestatus decesserit, & pro herede se gessit atque inde decessit, tota hereditas paterna ejus heredi eripitur, l. 26. h. l. 4. §. 2. ff. famil. ercisc. In judiciis qui acta falsificat, amissioni causæ subjacet, Jul. Clarus §. Falsum. n. 32. Gail. 1. obs. 134. n. 25. Si judex sit, quomodo puniatur, vid. Dn. Carpzov. d. q. 93. n. 53. Testis contrarium perhibens testimonium, extra ordinem puniendus. Menoch. cas. 312. Testis absq; dolo falsum dicens, ob culpam, ad damni si quod inde datum est, refectionem tenetur. Id. cas. 309. n. 6. Presbyteri, Diaconi ob falsum testimonium in causa pecuniaria juratò proborum,

batum, remotione à sacro ordine per triennium & relegatione in monasterium puniuntur: In criminali si falsum dixerint, clero nudati poenis legitimis subjiuntur *Nov. Leon. LXXVI. & LXXXVII. N. 123. c. 20. can. Balsami XXIV. q. 25.* quòd si falso testimonio iurjurandum accesserit, & perjurium commissum fuerit, siue in causa pecuniaria siue criminali, à sacerdotio repelluntur & verberibus subduntur *Nov. LXXVI. Qui* literas Apostolicas vitiant, omnibus officiis & beneficiis exuti poenis in legibus juris civilis statutis subduntur, *c. 7. extr. de crimin. fals.* Qui rescriptum Principis falsificant, in exilium mittuntur *c. 3. eod.* De iis, qui saltem resignarunt & aperuerunt rescripta Electoralia, vid. Dn. Carpzov. *pr. Crim. q. 93. n. 20. 21.*

In falso circa personas; Qui nomen mutant, arbitrio iudicis puniuntur, Menoch. *A. J. Q. cas. 318. n. 18. segq.* qui dignitatem Equestrem vel Doctoralem mentiuntur, juxta qualitatem ejus delicti, quod sub hoc pretextu perpetrarunt, fustigatione vel relegatione puniuntur, *P. 3. Q. 4. 112. & 113. inf.* Dn. Carpz. *d. q. 93. n. 98.* ubi qui ætatē mentitus erat, pecuniariā poenā dicitur multatus, *n. 42.* qui paupertatem mentiuntur, falsis utendo attestacionibus de incendio, fustigati relegantur *ib. n. 73.* Si statum gentilem aut Judaicum fingunt, ut rebaptizentur, æquali afficiuntur poenā *ib. n. 44.* Falsi partus suppositio capitalis esse dicitur tam obstetrici quàm mulieri *l. 1. C. h. n. 1. Wesembec. h. n. 8.* Sed fustigatio cum relegatione obtinet, Dn. Carpzov. *d. q. 93. n. 30. segq.* *In rebus* falsum committitur falsis titulis. Qui ergo potentiorum nomine titulove obducto actores terrent, adfecti plumbo, perpetuis metallorum suppliciiis deputantur *l. un. ibique Gorhofr. C. de his qui potent. nom.* Qui privatus titulos prædiis suis vel alienis imponit, plebejus, ultimo supplicio subditur, Clarissimus verò, Curialis, Miles, Clericus, deportatur *l. 2. C. ut nem. priv.* Quoni-

F

am

am tamen omnis poenæ temperatio judici incumbit, me-
 rito Q. *quâ proportionē uti queat?* Non ignoramus We-
 senbecii distinctionem inter officium iudicis & legis. *pa-
 ratist. ff. h. n. t. n. 12. circa f.* placet tamen ita distinguere,
 ut quoad inveniendam inter delicta æqualitatem iudex
 proportionē geometricā uti queat; quoad coercenda ve-
 rò ipsa delicta, arithmeticè procedere possit. Tam iudices
 autem quàm litigantes cautos esse oportet in vera delicti
 specie seligenda; cùm huic probatio incumbat, illi verò
 ut cuilibet delicto suam indat poenam. Sejungenda er-
 gò *delicta affinia*, quale 1. est crimen Peculatus, de quo
 supra diximus, quando qui moneram tractant publicam,
 privatim eudunt vel furantur species. 2. læsæ majestatis,
 quia Dn. Carpz. putat, eudendo moneram lædi majesta-
 tem. *vid. itid. supr.* 3. Stellionatus, cùm scil. quis sciens
 rem alienam oppignorat. 4. Doli, v.g. Si quis sciens com-
 modaverit falsa pondera *l. 18. §. 3. ff. de dol. mal.* 5. Præ-
 varicationis, de quo *P. 3. Q. a. 115. & it. ff. de Prævaric.* 6.
 Termini moti. *t. t. ff. de Term. mot. P. 3. Q. a. 114.* 7. Perjurii,
P. 3. Q. a. 107. Et sic vindicatur hoc crimen, eoq; ipsò simul
 expiatur atque extinguitur. Videndum itaque patet, qui-
 bus modis crimen Falsi & iudicium super eo *collitur*. Ge-
 neraliter autem 1. Mors omnia solvit; nec crimen, nec
 iudicium pro expiando, in heredes transit, ut dictum,
vid. l. 6. ff. de public. iudic. Farinac. *pr. Crim. q. 10. n. 36.* 2.
 aboleretur indulgentiâ principis *l. 4. C. de his qui sibi in test.*
 3. præscriptione & quidem regulariter 20. annorum. *l. 12.
 C. h.* in partu tamen supposito singulare est (vid. tamen
 Cujac. *IV. obs. 14.*) quod nullâ temporis præscriptione
 tollatur, *l. 19. §. 1. h.* ne videlicet spuris & adulterinis li-
 beris familiæ ullo tempore polluantur; similiter si civi-
 liter de fide scripturæ quærat, nulla præscriptio obici
 potest *l. 17. seq. C. h. t. arg. l. 29. & 201. de R. J. c. 18. de R. J.*

in 6. Sic contra Ecclesiam crimen Falsi nunquam præscribi Dd. volunt. vid. Farinac. *pr. Crim. q. 10. n. 6.* quamvis verò vicennio Falsi accusatio extinguatur, tamen post illud spatium excipere quis non perhibetur *l. 5. §. f. ff. de Except. doll.* 4. Transfatione. Utrum autem super hoc crimine transigere liceat? dubium reddiderunt Interpretes Græci, qui regulæ in *l. 18. C. de Transact.* quod de criminibus sanguinis pœnam non inferentibus transigere non liceat, hanc assuere limitationem: *citra falsi accusationem*; eo sensu: quasi super crimine falsi quantumvis id capitale non sit, transigere tamen liceat: explicantes *Tò Nisi, præterquam, exceptò.* Quia autem omnis exceptio debet esse à regula, oportet prius inquiri, Num falsi pœna, utpote arbitraria, ad mortem usque extendi queat? cuius affirmativa vel ex allato à Dn. Carpzov. *d. q. 93. n. ult.* exemplo patet. Cùm itaque capitale sit crimen hoc, mirum non est, quod utique super eo transigere quoque liceat, non tàm propter rationem Interpretum Græcorum, quòd exceptum sit à non capitalibus, quàm quia sub capitalium regula omnino continetur. Liceat itaque brevibus ita statuere: Super Falso transigere licet quoties pœna mortis imminet; secus verò si levior aliqua. Prolixius qui informari super hac quæstione cupit, adire integros ad *d. l. 18. C. de transact.* Doctorum tractatûs potest. Nos hîc vela contra-
himus.

SOLI DEO GLORIA.

I. I.
ACCLAMATIONES VOTIVÆ
in honorem Præ Eximii Domini Auctoris.

Cum tua scripta videt, tetro de crimine falsi
edita concinnis, Fama Themisquæ, typis:
Nüsstede, omnigeni Juris qui gnavus Alumnus
audis, Saxonici stellaquæ clara poli.
Inter se tales sermones ordine cædunt
Ambæ: quos memori voce referre juvat:
Marte hæc scripta meus propriò confecit Alumnus:
fatur sancta Themis, quid, Bona Fama, putas?
Huic mox respondet lato de pectore Fama:
Quapropter meritâ laude vehendus erit.
Ex improvîso Fortuna intervenit, ambas
& sic affatur: do mea vota simul.
Hic nostrò affectu, Dilectæ, dignus: at ipsi
quæ dabimus meritis præmia digna suis?
Dignus Doctoris titulis Hic: laudequæ dignus:
dignus & officio. Sint rata vota, precor!

*Ita laudandos Dn. Auctoris conatus, cum omni-
genæ prosperitatis voto, commendo*

P R Æ S E S.

Eshat unzählich viel die Goldsucht so besessen/
Dass wie bezaubert sie der Ehr und Pflicht vergessen.
Die Geld Begier berreugt mit Eul' und falscher Hand/
Er sey gleich wer er sey/ frembd oder wohl bekand.
Der kan aus Mammons Trieb verdröhen gute Sachen/
Aus Unrecht Scheinend Recht umb Geldes willen machen:
Ein ander ungeschweht versücht mit falschem Sinn
Sein Leib und arme Seel/ wenn Hoffnung zum Gewinn.
So pflegt die tolle Welt nach Geld und Gut zu streben/
Da doch kaum Daumens breit ist zwischen Todt und Leben:

Auch

Auch endlich wird gestrafft was eine Welt' ansteht;
Denn ein Verbosterliche der Themis entgeht.
Was sich in diesem Fall mit allem Rechte gebühret
Das zeig' Herr Nüsskotte an/wenn Er vor Augen führet/
Wie Falsch-Beginnen selbst sich endlich bring' in haß/
Daß es nach Rechtesgebrauch werd' blüßlich abgestrafft.
Mein Werther fahret fort! Man lobet sein Beginnen;
Er wird in kurzer Zeit des Pindars hohe Stinnen
Erstelzen; Denn der Fleiß erlangt solchen Lohn/
Daß vor gehabte Müß' Er trägt den Preiß davon.
Aldenn soll erst sein Ruhm bis an den Himmel reichen/
Daß auch Pyramides an Höhe werde weichen:
Wenn Themis öffentlich mit Hertz-erfreutem Muth
Ihm geben wird den Kuß/den Ring/den Purpurhut.

Nie diesen geringen hat seinem werthgeehr-
ten Herrn Tisch- und Hausgenossen
seine Willfährigkeit bezeugen wollen

Johann Georg Kellner/der löbl. Jur. Fac.
und Schöppenstils Acanarius.

Sinnliche Geister erhöhen die Flügel/
Lassen dich unsere Tünnel hingeh'n;
Nennen durch Tugendgeflammte Flügel
ähnlich den Siernen am Himmel zu steh'n:
Den theurer Tugend-Schweiß bekrönt doch der Preiß
Der Todes-freie Ast/das grüne Lorber-Reiß.
Ewig bestehen/die Sophien lieben/
Halten die Themis für einigste Lust;
Onüglich bekommen vor solches Verüßen
Selbe derselben stets quellende Brüst/
Die lauter Nectar führet/die von dem Himmel weisß/
Und nicht erst erben kan/das frische Lorber-Reiß.
Liebster Achates/die Fama bezeuget
Wie Du dort Sophiens Brüste berühr't;
Wie Dir die Themis in allem geneiget
Und Dich hier prächtig zum Throne hinführ't

Wo deine Tugend Müß/der ausgestandne Schweiß
Der Welt wird kund gethan zu steren Ruhm und Preis.

Lebe vergnügen/ wir wünschen/ in Ehren
Sopht/ Themis/ die warten schon auf
Selbige müssen die Freude vermehren/
Fördern/vollenden den schwerlichen Lauff

Und reichen Dir verdienet den letzten Tugendpreis
Den Todes-freyn Ast/ das grüne Lorber-Reis.

Niemit wolte seinen hochgeehrten Herrn Tisch-
genossen und werthgesinnten Freunde schul-
digsten Obliegen nach beehren

D. B. Pfore/ Silcius.

W Er der süßen Nüsse Kern nach Belieben wil genießen/
Dem muß auch die harte Schahl aufzubeissen nicht verdrießen.

Wer nach Ruhm und Ehren strebt/ muß nicht eben darnach sehn/
Wie der Wea beschaffen sey/ ob er schwer und rauh zu gehn;

Recht/ Herr Nussfed/ Er veracht/ was viel pfleget abzuschrecken/
Er gewiß wird demahlen auch die Frucht des Fleißes schmecken.

Glück wünsch' ich von Herzensgrund. Himmel gib auch nach Begehr
Ihm ein lieb-vertrautes Herz/ seß' Ihn in verdiente Ehren.

Zu freundlicher Glückwünschung setze seinem
sehr werthen Freunde dieses

Mauritius von Borstel/ Eques Bremensis.

Fleiß/ Tugend und die Ehr sind drey verknüpfte Schwestern/
Die sters zusammen seyn; wo die zwen ersten gestern

Liebwerth gehalten sind/ da kömmt die letzte heur
Und theilet reichlich aus verdienten Lohn und Beur.

Vertrauter Hergens Freund/ Er liebet nicht ohn Tugend
Den Schweiß-vermischten Fleiß im Frülhing seiner Tugend/

Er warte mit Bestand/ die Ehr ist auch nicht weit
Die Ihn unsterblich mache in dieser Eerblickzeit.

Diese geringe schreib aus Schuldigkeit seinem
guten Freunde

Henr. Schüg/ Hamb. M. S.

